


БАЙРАМИНГИЗ МУБОРАК БЎЛСИН, МУҲТАРАМ ОНАХОНЛАР, ОПА-СИНГИЛЛАР!

ILM OLMOQQA INTILISH - HAR BIR MUSLIM VA MUSLIMA UCHUN QARZ-U FARZ

ZIYO CHASHMASI




ABDULLA QODIRIY NOMIDAGI JIZZAX DAVLAT PEDAGOGIKA INSTITUTI GAZETASI

*** № 3 (182) *** 2010 YIL, MART ***

ISSN-2010-9393

1993 YIL, 21 MARTDAN CHIQA BOSHLAGAN



«Оналарнинг, аёлларнинг бахти — оиланинг, халқимизнинг, бутун Ўзбекистонимизнинг бахтидир»

Ислом КАРИМОВ.

МУҚАДДАС ЗОТГА ЭҲТИРОМ

Институт маданият саройида 8 Март — Халқаро хотин-қизлар куни муносабати билан профессор-ўқитувчилар, кўп сонли талабалар иштирокида тантанали кеча бўлиб ўтди.

Институт ректори, профессор О. Дўсматов жамоа хотин-қизларини 8 Март байрами билан самимий табриклади.

Педагогика факультети декани,

профессор Х. Тўрақулов «Хотин-қизларнинг жамиятда тутган ўрни мавзусида маъруза қилди. Шунингдек институт «Камолот» ёшлар ижтимоий ҳаракати бошланғич ташкилоти етакчиси Ф. Ақчаевнинг «Сен муқаддасан, муқаддас — аёл» мавзусидаги маърузаси тинланди.

Институт ректори, профессор О. Дўсматов бир қатор фаол хотин-қизларга институтнинг Фахрий


ёрлиқларини топширди ва хотин-қизларни моддий рағбатлантириш ҳақидаги махсус буйруқни эълон қилди.

Мусликий таълим йўналишининг ўқитувчи ва талабалари тақдим этган бадиий чиқишлар ва концертда аёл, она Ватан, истиқлол мадҳ этилди.

М. АБДУЛЛАЕВ.

ТАБРИКЛАЙМИЗ

Институтимизнинг жисмоний тарбия ва жисмоний маданият факультети 2-босқич талабаси Ирода Абдурахмонова Зулфия номидаги Давлат мукофоти совриндори бўлди



Ўзбекистон Республикаси Президентининг қарори билан аъло хулқи, зукколиги, ўқишдаги муваффақиятлари, ташаббускорлиги билан ноёб истеъдодини намоён этаётган ҳамда адабиёт, маданият, санъат, фан ва таълим соҳаларидаги алоҳида ютуқлари учун Республикаимизнинг 14 нафар қизлари Зулфия номидаги Давлат мукофоти билан тақдирландилар.

Совриндорлар орасида Институтимизнинг жисмоний тарбия ва жисмоний маданият факультети 2-босқич талабаси Ирода Хайруллаевна Абдурахмонова ҳам бор.

Институтимиз жамоаси номидан Иродани Давлат мукофоти билан мубороқбод этгани ҳолда унинг ўқиши ва спорт соҳасидаги фаолиятига муваффақиятлар тилаймиз.

Суратда: Ирода Абдурахмонова.

ФАОЛЛИК - БАРКАМОЛ АВЛОД ШИОРИ

Юртимизнинг мустақиллиги биринчи навбатда хотин-қизларга ва улар тарбия бераётган фарзандларга улкан имкониятлар уфқларини очиб берди. Ушбу жаннатмакон юртда истиқлол шарофати туфайли аёллар юксак даражада эъзозланиб, фарзандларимизнинг баркамол инсонлар бўлиб вояга етишига катта эътибор берилмоқда. Аёллар мамлакат ҳаётининг барча жабҳаларида фаол иштирок этмоқда, уларнинг давлат ва жамият тизимидаги мақоми юксалиб бормоқда.

Юртбошимиз таъбири билан айтганда: «Олдимизда турган энг эзгу мақсадларимиз мамлакатимизнинг буюк келажаги ҳам, эртанги кунимиз, эркин ва фаровон ҳаётимиз ҳам, Ўзбекистоннинг XXI асрда жаҳон ҳамжамиятидан қандай ўрин эгаллаши ҳам буларнинг барча-барчаси, авваламбор, янги авлод, ўнб-ўсиб келаётган фарзандларимиз қандай инсонлар бўлиб вояга етишига боғлиқдир». Давлатимиз раҳбарининг бу сўзлари, аввало муҳтарам оналаримиз, опа-сингилларимиз зиммасига кўйилган масъул вазифалардандир. Чунки аёл-жамият таянчи, унинг тараққиёт мезонидир. Кейинги йилларда хотин-қизларнинг мамлакат иқтисодий, ижтимоий-сиёсий ҳаётида тутган ўрни ва салоҳиятини юксалтириш, уларнинг жамият маънавий ва маданий ҳаётидаги обрў-эътиборини янада оширишига алоҳида эътибор қаратилмоқда.

Ўзбекистон Республикаси Президентининг «Ўзбекистон хотин-қизлар кўмитаси фаолиятини кўллаб-қувватлаш борасидаги кўшимча чора-тадбирлар тўғри-

сида»ги Фармони ана шундай эътиборнинг ёрқин намунасидир.

Институтимизда фаолият юритаётган хотин-қизлардан уч нафари фан докторлари, профессорлар, ўн тўрт нафари фан номзодлари, етти нафар аспирантлар, йигирмадан зиёд тадқиқотчилар бўлиб, улар институтнинг илмий салоҳиятини оширишда фаннинг турли йўналишларида самарали иш олиб бормоқдалар. Тарих фанлари доктори, профессор Ф. Аҳмедшина, фалсафа фанлари доктори, профессор Б. Очилова, филология фанлари доктори З. Пардаевалар кўплаб тадқиқотчиларнинг илмий ишларига раҳбарлик қилиб келмоқдалар.

Институтимиздаги олти мингдан зиёд талабанинг қарийб уч мингтадини талаба қизлар ташкил этади. Улар фан асосларини чуқур ўрганиш билан бир қаторда жамоат ишларида ҳам фаол иштирок этишади, муқаддас илм даргоҳларини обод қилишда, спортда, умуман ижтимоий ҳаётнинг барча жабҳаларида ўз иқтидорларини намоён этиб келмоқдалар. Ана шундай талабалардан жорий ўқув йилида ўзбек филологияси факультетидан Дилдора Собирова, хорижий тиллар факультетидан Озода Хусанова Навоий номидаги, табиатшунослик факультетидан Сабоҳат Йўлдошева Улуғбек номидаги стипендияга сазовор бўлдилар. Шу ўринда ижодкор қизларимиз сафи тўбора ортиб бораётганини ҳам алоҳида таъкидлаб ўтмоқчиман. Бир қатор қаламқашларимизнинг китоблари босмадан чиқди. Талабаларнинг ижод намунала-

ри республика, вилоят, шаҳар ва туман газеталарида, институтимизнинг «Зиё чашмаси» газетасида эълон қилиб борилмоқда. Баркамол авлод йили муносабати билан ўтказилган шахмат-шашка мусобақасида ҳам хотин-қизларимиз пешқадам бўлдилар. Педагогика-психология йўналишида таҳсил олаётган қизимиз Мухлиса Қодирова миллий ўйинчоқлар, зардўзлик ва халқ хунармандчилигининг қатор соҳалари бўйича ўз амалий ишларини намойиш этиб, «Ташаббус-2009» кўрик-танловида «Энг яхши хунарманд» йўналишида голиб бўлди. У ҳозирги кунда ўқиш билан бирга бир қатор шогирдлар тайёрламоқда.

Жисмоний тарбия ва жисмоний маданият факультети талабаси Ирода Абдурахмонова курашнинг «Дзю-до» тури бўйича 2009 йилда Халқаро турнирда ҳамда Ўзбекистон кубоги мусобақаларида 1-ўринни эгаллаб, мамлакатимиз, жумладан вилоятимиз ҳамда институтимиз жамоасига фахр олиб келди. Ирода Зулфия номидаги Давлат мукофотини олишга муваффақ бўлди. Бундай иқтидорли талаба қизлардан яна кўплаб мисоллар келтириш мумкин.

Халқаро хотин-қизлар куни — 8 Март муносабати билан институтимиз барча хотин-қизларини чин юракдан табриклаган ҳолда уларга иш ва ўқишларида каттадан-катта муваффақиятлар тилаб қолам.

Байрамингиз мубороқ бўлсин, азиз опа сингиллар!

З. АБДУВАЛИЕВА,
институт хотин-қизлар
кенгаши раиси.

